

Երուսաղէմի՝ գտաւ 'ի ժողովն Հռոմայ, և ոչ ընկալաւ ըզսահմանս նորա, բարկացեալ կայսեր կամեցաւ բանտարկել զնա, և նորա խոյս տուեալ անտի եհաս յարեւելս՝ և Յովակիմ Յոյն Պատրիարքն Երուսաղէմի ընկալաւ զնա առ իւր, գրեաց և այլ Պատրիարքունս աթոռոց, և յայտ արար նոցա թէ՝ Կայսրն բռնադատեալ է զխոխանորդ իւր, հակառակ կամաց իւրոց ընդունիլ զսահմանս ժողովոյն, ժողովեցան առ Յովակիմ՝ Պատրիարքունք Աղէքսանդրիոյ, Անտիոքայ, Կեսարիոյ, և այլ արեւելեան կղերք. 'ի ժողովակի աստ սահմանեցին ոչ ընդունել զսահմանս ժողովոյն, և նոյնք հրեքեցին ոչ ընդունել զգլխաւորութիւն Պապին Հռոմայ։ Ընկեցին յաթոռոց զՊատրիարքն Կոստանդինուպօլսոյ զՄետրովանոս, որ ընկալեալ էր զսահմանս ժողովոյն Հռոմայ։ Մեռաւ Յովհաննէս կայսրն, և նստաւ յաթոռ թաղաւորութեան որդի նորին Կոստանդին (1449), վերջին կայսրն Յունաց։ Գնաց անդ Գրիգոր Պատրիարքն Երուսաղէմի յաջորդ Յովակիմայ, հասին և այլք, և ընկեցին զԳրիգոր Պատրիարքն մայրաքաղաքին իբր հետեւող Պապին, և եղին 'ի տեղի նորա զԱթանաս »։ Ի սմին ժամանակի երեւի շինեալ վանքն Ս. Փրկչի, որպէս յայտ առնէ յիշատակարան ձեռագիր մատենի. այսպէս, Տէր Յիսուս արդար բարի՝ ողորմեա Կարապետ վարդապետի Երուսաղէմացոյ՝ որ բազում աշխատութեամբ եւ երկամբ զՍ. Փրկչի եկեղեցին գնեցի յայլադդեաց և վանք շինեցի ըստ կարի իմում, որ է տեղիք չարչարանաց Քրիստոսի Աստուծոյ յուսոյն մերոյ, ուր կայ աստուածամերձ վէմի սեղան Պատարագի։ Զորս անգամ յեգիպտոս իջի և աւել թուղթ հրամանի յարքայէն Եգիպտոսի վասն խաղաղութեամբ կելոյ և շրջելոյ 'ի Տնօրինական տեղիս։ Իսկ այլք ասեն թէ Կարապետ վարդապետ աշակերտ Յովհաննու Արճիշեցոյ 'ի Տոսպ դաւառէն, եկեալ ուխտ յերուսաղէմ, և տեսեալ զվանս Ս. Փրկչի, զոր յափշտակեալ Արաբացոց արարեալ էին խան կամ ւստոր, իջեալ յեգիպտոս 4000 դահեկանի գնէ զտեղին 'ի Սուլթանէն, և վերստին շինէ զայն եկեղեցի։ Սակայն Արաբացիք 'ի հիմանէ կործանեցին զվանքն, յաւուրս Վասլի Պատրիարքի՝ որպէս գրեցաք, և 'ի յիշատակարանի չիք յիշատակութիւն ինչ արարեալ զայս